

MEMORANDUM

***O SARADNJI U OBLASTI POBOLJŠANJA POLOŽAJA SREDNJOŠKOLACA,
KVALITETA OBRAZOVANJA MLADIH I RAZMJENI INFORMACIJA***

Između

***Ministarstva obrazovanja, nauke, kulture i sporta Zeničko-dobojskog kantona
(s jedne strane)***

/

***Mreže Vijeća Učenika Zeničko-dobojskog kantona (mreVUK ZDK)
(s druge strane)***

U želji za daljnim razvijanjem i podsticanjem saradnje u oblasti obrazovanja i aktivizma srednjoškolaca; u uvjerenju da će ova saradnja doprinjeti unaprijeđivanju istog na korist Zeničko-dobojskog kantona i ostalih građana države Bosne i Hercegovine, a posebno mladim srednjoškolcima; sa težnjom da ovaj dokument predstavlja okvir za definisanje partnerskih odnosa i aktivnosti usmjerenih na poboljšavanju položaja srednjoškolaca na području Zeničko-dobojskog kantona, dana _____ i godine u Zenici, zaključuje se sljedeći:

Memorandum

O SARADNJI U OBLASTI POBOLJŠANJA POLOŽAJA SREDNJOŠKOLACA, KVALITETA OBRAZOVANJA MLADIH I RAZMJENI INFORMACIJA

Između:

1. Ministarstva obrazovanja, nauke, kulture i sporta Zeničko-dobojskog kantona (u daljnjem tekstu „Ministarstvo“) koje zastupa ministar Mirko Trifunović (s jedne strane),

i
2. Mreže Vijeća Učenika Zeničko-dobojskog kantona (u daljnjem tekstu „mreVUK ZDK“) čije interese zastupa Predsjednik/ca Nedžla Greda (s druge strane)

na sljedećim principima:

- Posvećenosti: razvoju i očuvanju ustavno-pravnog položaja Zeničko-dobojskog kantona i države Bosne i Hercegovine kroz podizanje svijesti srednjoškolaca o značaju istog, te uvođenju europskih standarda u zadovoljavanju interesa mladih-konkretno srednjoškolaca.
- Otvorenosti i transparentnosti: kroz obezbjeđivanje informacija i aktivne komunikacije između predstavnika Ministarstva i predstavnika mreVUK-a ZDK u cilju poboljšanja položaja srednjoškolaca i razvoja efikasnih mehanizama saradnje između srednjoškolske populacije i vladinih institucija.
- Odgovornosti: kroz razvijanje inovativnih i održivih oblika saradnje između predstavnika Ministarstva i predstavnika mreVUK-a ZDK na principima uzajamne odgovornosti i zadovoljavanja obostranih interesa.
- Efikasnosti: kroz stvaranje uslova koji će obezbijediti efikasno korištenje raspoloživih djelovanja mladih-pogotovo srednjoškolaca na području Zeničko-dobojskog kantona.
- Povezanosti: kroz zajedničko razvijanje strategije i programa koji se odnose na jačanje položaja srednjoškolske populacije u društvu Bosne i Hercegovine.

Na osnovu usaglašenih principa zajedničkog djelovanja, potpisnici memoranduma saglasni su u sljedećem :

Član 1.

Ovim memorandumom uspostavlja se okvirni mehanizam saradnje između Ministarstva i mreVUK-a ZDK, posebno u oblasti poboljšanja srednjoškolaca i mobilnosti i informisanosti mladih koji će imati konkretan uticaj na poboljšanje kvaliteta njihovog života te podstaći njihovu odgovornost prema široj društvenoj zajednici.

Član 2.

Saradnja će se ostvariti kroz parntnerstvo, transparentnost, odgovornost i međusobnu informisanost potpisnika memoranduma.

Ministarstvo i mreVUK ZDK će podržavati saradnju u oblasti aktivizma mladih, posebno obraćajući pažnju na :

- poboljšanje položaja mladih u Zeničko-dobojskom kantonu;
- poboljšanje položaja srednjoškolaca u Zeničko-dobojskom kantonu;
- potrebu veće međuregeneracijske solidarnosti u Zeničko-dobojskom kantonu uz uzajamno razumijevanje specifičnih interesa;
- slobodu organizovanja srednjoškolske omladine s ciljem zadovoljavanja svojih specifičnih interesa;
- poboljšanje mobilnosti srednjoškolaca u Zeničko-dobojskom kantonu;
- promociju rezultata rada Ministarstva u ovim oblastima;
- stvaranju tolerantnog društva usmjerenog ka europskim vrijednostima uz očuvanje sopstvenog identiteta i tradicije;
- podršku srednjoškolcima u učešću u procesu donošenja odluka u skladu sa važećim zakonima, i
- dugoročni partnerski odnos strana.

Član 3.

Ministarstvo je saglasno da :

- mreVUK ZDK, na osnovu ovog memoranduma, bit će krovna institucija za rješavanje problema srednjoškolske populacije na području Zeničko-dobojskog kantona uz

pomoć Ministarstva, te prava i obaveza srednjoškolaca na području svih srednjih škola na području Zeničko-dobojskom kantonu.

- na manifestacijama i projektima (kantonalnog, federalnog ili državnog nivoa) vrši promociju mreVUK-a ZDK kao partnera u dostizanju željenih standarda u zadovoljavanju potreba mladih srednjoškolaca u Zeničko-dobojskom kantonu;
- uključuje srednjoškolce u procesu donošenja odluka u skladu sa važećim zakonima;
- doprinosi koordinaciji i realizaciji srednjoškolskih projekata;
- da obavještava mreVUK ZDK o svojim aktivnostima koje imaju za cilj poboljšanje položaja srednjoškolaca i uključuje ih u iste ukoliko je to moguće,
- pruži podršku mreVUK-u ZDK pri sardnji i partnerskoj komunikaciji sa školama i institucijama koje se bave srednjoškolskim pitanjima. To podrazumijeva i podršku Ministarstva mreVUK-ovim inicijativama putem zajedničkog nastupanja ili obraćanja tim institucijama.

Član 4.

mreVUK ZDK saglasan je da:

- će svoje aktivnosti vršiti u intresu mladih srednjoškolaca, ali i u intresu šire društvene zajednice Zeničko-dobojskog kantona, i svih građana države Bosne i Hercegovine.
- će raditi na podizanju svijesti mladih srednjoškolaca o značaju Bosne i Hercegovine za mlade i sve njene građane.
- će promovisati aktivizam mladih srednjoškolaca te kao reprezentativno tijelo srednjoškolaca i sam učestvovati u istom okviru svojih raspoloživih kapaciteta.
- koordinira programe i projekte sa Ministarstvom koji su vezani za mobilnost i aktivizam srednjoškolaca i mladih uopšte.
- partnerski učestvuje u realizaciji programa i aktivnosti Ministarstva.
- vrši promociju i saradnju sa drugim resornim ministarstvima Vlade i Skupštine Zeničko-dobojskog kantona na manifestacijama koje organizuju.
- pruža informacije Ministarstvu vezane za rad mreVUK-a ZDK, srednjoškolaca i škola uopšte kao krovna institucija za pitanje srednjoškolske problematike, stavljajući na raspolaganje sve svoje kanale komunikacija i oblike djelovanja u svim srednjim školama putem rukovodećih organa mreVUK-a ZDK.
- Pruža informacije Ministarstvu o aktuelnim problemima mladih srednjoškolaca, te prezentuje zaključke sa godišnjih konferencija mreVUK-a ZDK s ciljem bolje povezanosti i razumijevanja.
- U slučaju potrebe će obezbijediti volontersku podršku i pomoć u svim aktivnostima Ministarstva.

Član 5.

Odredbe ovog memoranduma predstavljat će polaznu osnovu za koordinaciju aktivnosti i po drugim pitanjima za koje su strane potpisnice zainteresovane.

Član 6.

Ovaj memorandum stupa na snagu s datumom potpisivanja i važi do potpisivanja novog memoranduma ili do odustajanje jedne od dvije strane potpisnice uz obavještanje o odustajanju druge strane.

Član 7.

Ministarstvo se još obavezuje da će svim srednjim školama na području Zeničko-dobojskog kantona dostaviti informaciju oko potpisivanja ovog memoranduma, čime će srednje škole biti dužne da postupaju po potpisanom memorandumu.

Član 8.

Ovaj memorandum sačinjen je u četiri istovjetna primjerka od kojih svaka od strana zadržava po dva ovjerena i potpisana primjerka u originalu.

Broj :

Dana, _____

Ministarstvo obrazovanja, nauke,
kulture i sporta

Ministar Mirko Trifunović

Mreža Vijeća Učenika ZDK

Predsjednik/ca Nedžla Greda

KONTAKT OSOBA:

Greda Nedžla

Mob.: 061/528-229

E-mail: nedzla_g@hotmail.com

Adresa: Naselje Luke A1/14, 71300 VISOKO